

Illoqarfinni suliffissaaleqineq 2008-imi ukiup affaani siullermi

Illoqarfinni suliffissaaleqineq ukiup affaani siullermi annikilleriartoq

Suliffissaaleqinermik eqqorneqartut ikilisut...

2008-imi ukiup affaani siullermi illoqarfinni suliffissaaleqinermik eqqorneqartut qaammammumt agguaqatigiissillugit 2.001-simapput 2007-imi ukiup siuliani 2.453-siusimallutik. Tamanna qaammammumt agguaqatigiissillugu inunnik 452-nik ikileriarneruvoq. Taamatullu ukiumut siulianut naleqqiullugu 18,4 pct.-imik ikileriarnerulluni.

...piffissap qiteqqunnerani suliffissaaleqisut aamma ikileriarput

2008-imi ukiup affaani siullermi illoqarfinni piffissap qiteqqunnerani suliffissaaleqisut qaammammumt agguaqatigiissillugit 1.331-iupput, 2007-imi piffissami tassani 1.741-usimallutik. Taamatullu naatsorsuiffiusumi piffissap qiteqqunnerani suliffissaaleqisut qaammammumt agguaqatigiissillugit 410-inik ikileriarisimallutik, tamanna ukiumut siulianut naleqqiullugu 23,5 pct.-imik ikileriarneruvoq.


Sivisuumik suliffissaaleqisimasut ikilerujussuarput

2008-p affaani siullermi piffissap qiteqqunnerani suliffissaaleqisut naatsorsorneqarnerata takutippaa sivisuumik suliffissaaleqisimasut ikilerujussuarsimanerat, taakku inunnik 154-inik ikileriarisimmata. 2007-imi kvartalit sisamaanniit – 2008-imi kvartalit aappaat ilanngullugu inuit 263-it sivisuumik suliffissaaleqisutut nalunaarsorneqarsimapput, piffissami pineqartumi ukiup siulianut naleqqiullugit 417-siusimallutik, tamanna procent-inngorlugu 36,9 pct.-mik appariarneruvoq. Tamatuminnga peqqutit annersaasa ilagivaat Nuup Kommuneani Piareersarfimmik aallartisaaneq ilutigalugu sivisuumik suliffissaaleqisunik Isumaginninnermik Immikkoortortaarfimmumt nuutsitsisimmata, tamanna sulisinnaasuinnarnik tamakkiisumik sullissinissamik anguniagaqarnermik peqquteqarpoq.

Suliffissaaleqisut nunatta avataani inunngorsimasut

Siornatigut saqqummersittakkat nunatta avataani inunngorsimasunik immikkut sammisaqarneq ajoraluarput. Tamannali nunatta avataani inunngorsumasunit suliffissaaleqisunik ataasiakkaaginnarnik peqartarsimaneranik peqquteqarpoq, soorlu 2007-imi ukiup affaani siullermi illoqarfinni suliffissaaleqinermik eqqorneqartut qaammammumt agguaqatigiissillugit inuit 1,2-jusimapput. 2008-mili piffissami tassani qaammammumt agguaqatigiissillugu 41-t suliffissaaleqinermi eqqugaasimapput. Assinganik qaammammumt agguaqatigiissillugu piffissap qiteqqunnerani suliffissaaleqisut 2007-imi ataaseq inorsimariarlugu 2008-mi 25-inut amerlisimapput.

Titartagaq 1. Illoqarfinni piffissap qiteqqunnerani suliffissaaleqisut suliffissaaleqinermillu eqqugaasut amerlassusaasa ineriartornerat ukiup affaani siullermi 2006-2008



Malugiuk: Titartakkami inuit 15-it 62-illu akomanni ukiullit illoqarfinnilu najugaqartut kisimik naatsorsuusiornermi tunngavigineqarput.

Tamanna saqqummersitami *"Ledigheden i byerne i 1. halvår 2008"*-imi takuneqarsinnaavoq, Naatsorsueqqissaartarfiup tamanut nittartakkamini www.stat.gl-imi saqqummiuteqqammigaani.

Suliffissaaleqisunut naatsorsuinerimi periaatsinik nassuiaat

Piffissap qiteqqunnerani suliffissaaleqisut tassaapput, qaammatip aallartinnerani aam-malu qaammatip naanerani qaammammi pineqartumi suliffissaaleqisut. Tamanna agguaqatigiisillugu suliffissaaleqisutut paasineqarsinnaavoq.

Suliffissaaleqinermik eqqugaasimasut tassaapput, qaammatip ingerlanerani suliffis-sarsiorlutik suliffissarsiuussisarfinnut saaffiginnissimasut. Kisitsisit tassaangillat agguaqatigiisillugu suliffissaaleqisut, tassa saaffiginnittut ilaat suliffissamik tunine-qarsimasinnaammata imaluunniit nammineq suliffissamik nassaarsimasinnaallutik. Suliffissarsisimasut taakku *suliffissaaleqinermik eqqugaasimasutut* nalunaarsorneqar-tarput, saaffiginninnerminni suliffissaaleqisuusaramik.

...pdf-fiilinngorlugu

Saqqummersitaq *"Ledigheden i byerne i 1. halvår 2008"* pdf-fiilinngorlugu Naatsor-sueqqissaartarfiup nittartagaani www.stat.gl-imi aaneqarsinnaavoq imaluunniit Naat-sorsueqqissaartarfimmuut piniarneqarsinnaalluni.

E-mailikkut pisartagaqalerit

Kisitsisinik nutaanik Naatsorsueqqissaartarfiup saqqummersitaanik tusartinneqarta-rumaguit uannga nutaarsiassaqaartinneqartalerit: iserfigiuk www.stat.gl. qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaa-nik saqqummertoqaraangat e-mailikkut nalunaarfigineqartalissaatit.

Paasisaqarnerorusukkuit sinnersortimut Gitte Lynge Rosing-imut oqarasuaat toq-qaannartoq 36 23 76 atorlugu saaffiginnissinnaavutit imaluunniit E-mailikkut glmi@stat.gl

Ikinngutinnersumik inuulluaqqusillunga

Naatsorsueqqissaarnermi siunnersorti
Gitte Lynge Rosing